



Universitätsbibliothek Paderborn

Domus Æternitatis

Reserata, Et Ad Ingrediendum Quotidie Memorïæ cogitationibus,
Intellectûs considerationibus, ac voluntatis affectibus Aperta ; Serviet
quoque pro Concionibus; uti & pro Exhortationibus, in Agoniae Domini
Sodalitatibus

Domus Æternitatis Damnatae

Dirckinck, Johann

Coloniae Agrippinae, 1713

21. Occupatio damnatae æternitatis.

[urn:nbn:de:hbz:466:1-50700](https://nbn-resolving.org/urn:nbn:de:hbz:466:1-50700)

220 *Domus eternitatis. Consideratio*
eò detrusus, tua est misericordia. *Misericordias Domini in æternum cantabo.*
Dominus illuminatio mea & salus mea,
quem timebo? Dominus protector vite
meæ, à quo trepidabo? Psal. 26. 4. In te
Domine speravi, non confundar in æter-
num. Tantum rogo te, & per omnia sa-
ecula, obtestor te: Non absorbeat me pro-
fundum, neque claudat super me puteus
[infernalis] os suum. Psal. 68.

CONSIDERATIO XXI.

Occupatio damnatæ æternitatis.

Non habent requiem, nec die, nec nocte.
Apoc. c. 14.

31. *Augusti.*

CONSIDERA damnatos, nec die, nec nocte ullâ frui requie, sed semper esse occupatos; ita ut non sit futurum momentum in omni æternitate, quo ipsi non sint futuri in actione & occupatione. *Non habent requiem, nec die nec nocte.* At quænam obsecro illorum est occupatio? eheu, impia, inæsta, deploranda ac detestanda: varias jam antè sparsim recensur

ensuimus; sed iuvat eas hîc colligere atque unâ recensere.

II. Occupatio prima est, sustinere tam in corpore, quàm anima immentos dolores; idque sine omni levamine, interruptione, cessatione, aut commiseratione. Ex quibus oritur odium, furor, rabies inexplicabilis, utpote in animo concitato ac perturbatissimo. *Fremunt & tabescent.*

III. Secunda occupatio est, ut hoc odium, furorem, rabiem, damnati omnino possibili malitiâ effundant in Deum optimum, maximum; in omnem ejus majestatem & perfectionem; in omnem ejus bonitatem & charitatem, in justitiam & misericordiam; in sapientiam & providentiam, in potestatem & voluntatem, in omnia ejus benefacta & beneficia: quæ cuncta vellent perditâ, destructâ, atque in nihilum redactâ.

Affectus amoris & laudis.

HÆc est pœna vestra ô damnati! ut quia Deum non amastis in Mundo, neque eum diligatis in Orco. Di-

222 *Domus aternitatis. Consideratio*
lexistis creaturas plùs, quàm Deum; ideo
abominabiles facti estis, sicut ea quæ di-
lexistis. Ne verò id mihi quoque acci-
dat, diligam te Domine fortitudo mea,
in omni vita mea. *Amo te Deus meus,*
amote, & magis atque magis amare te vo-
lo: Da mihi Domine Deus meus, speciose
præ filiis hominum, ut desiderem te; ut a-
mem te, quantum volo & quantum debeo:
immensus es & sine mensura debes amari,
presertim à nobis, quos sic amasti, sic sal-
vasti, pro quibus tanta & talia fecisti. S.
Aug. man. c. 10. Cùm verò damnati bi-
lem suam in te evomant; ego te laudabo
& glorificabo: Latabor & exultabo in te,
psallam nomini tuo altissime. Psal. 9. Jubi-
late Deo omnis terra, psalmum dicite no-
mini ejus, date gloriam laudi ejus. Psal. 65.

1. Septembris.

I. Tertia Damnatorum occupatio est,
horrendas, impias & infernali
quoque statu indignas, in Deum blas-
phemias eructare, ut docet S. Thomas 2.
2. q. 13. a. 4. blasphemare potentiam, sa-
pientiam, bonitatem, justitiam & Maje-
statem

statem divinam nec unquam ab eo cessare : nunquam cupere Deum videre ; imò visionem ejus execrari , Deum respicere, nolle eum existere, nolle bonum, nolle justum esse , velut in injustum debacchari, & tanquam malum, pessimumque detestari. *Quorum os amaritudine & maledictione plenum est. Psal. 13.4.*

II. Quarta occupatio est Christum Redemptorem nostrum , ejusque Matrem pretiosissimam odio prosequi execrari, blasphemare, à beneficiis abhorere, eaque abnegare. Odisse Sanctos, illis invidere, illis insultare, exprobrare lapsus , dolere de inventa apud Deum gratia, ac peccatorum venia : fugillare eorum , pro Deo & Christo labores. Odisse Christi incarnationem, vitam, passionem, mortem, virtutes, merita, gloriam, fidem, doctrinam, Sacramenta, Ecclesiam, & quidquid est salutis, sanctitatis, benedictionis in Redemptore, ac redemptione execrari, detestari & odio insectari. *Venenum aspidum sub labiis eorum. Psal. 13.4.*

III. Quinta occupatio est maledicere

K S

per-

224 *Domus aternitatis. Consideratio*
perpetim creata omnia. I. Cælum &
omnia, quæ cæli ambitu continentur. II.
Terram & maria, cunctaque in illis con-
tenta. III. Infernum quoque & omnia,
quæ in eo reperiuntur tormenta, ignem,
sulphur, fumum, fœtores, fœditates, cla-
mores, vermes, horrores, cunctosque
dolores. O damnati! secundum duri-
tiam vestram, & impœnitens cor ve-
strum, thesaurizastis vobis iram, in die
iræ. Rom. c. 2. Hanc modò corde co-
quitis, ore evomitis; sed in opprobrium
vestrum sempiternum & perenne tor-
mentum. *Posuerunt in cælum os suum:*
Et nequitiam, in excelsis [contra Altissi-
mum] *locuti sunt.* Plal. 72.9.

Suspiria laudis.

O Domine Deus benignissimè! O
Redemptor amantissimè! quem fi-
delem servum & dilectum filium, tam
horrendæ damnatorum blasphemix &
maledictiones; ad te laudandum, &
magnalia tua glorificandum, non exci-
tent? Ego, ex toto corde meo, laudo po-
tentiam tuam & dico. *Magnus Domi-*

nus & magna virtus ejus. Psal. 25. Lau-
do sapientiam tuam: Quam magnificata
sunt opera tua Domine, omnia in sapien-
tia fecisti. Psal. 103. Laudo bonitatem
tuam & misericordiam tuam: Confite-
mini Domino, quoniam bonus: quoniam
in seculum misericordia ejus. Psal. 106.
Laudo justitiam & sanctitatem tuam:
Justus Dominus in omnibus viis suis, &
sanctus in omnibus operibus suis. Psal. 144.
Laudo celsitudinem, excellentiam ac
majestatem tuam: Dominus excelsus, ter-
ribilis, Rex Magnus super omnem terram.
Psal. 46. Utinam Domine, omnes Infe-
rorum foetentes blasphemias & maledi-
ctiones, dignis laudibus & benedictio-
nibus abolere, compensare & suffire va-
leremus in odorem suavitatis!

2. Septembris.

Sexta reproborum in Orco occupa-
 tio est, odisse & ejurare omne bo-
 num, sive Dei, sive Christi, sive Sancto-
 rum, sive hominum viventium, sive
 damnatorum, sive suum proprium.
 Odisse suam vitam, suam animam, suam
 K 6 perfo-

226 *Domus aternitatis. Consideratio*
personam, suum corpus. Odisse omnia
sua bona opera in vita peracta, odisse
virtutes proprias, odisse peccata propria
non ad pœnitentiam; sed ad furorem
& rabiem. O malitia & pervicacia abo-
minanda! *Odio iniquo oderunt me gratis.*

II. Septima occupatio est, non solum
odisse seipsum; verum etiam Cacodæ-
mones, & omnem nequitiam eorum.
Odisse impios, & omnia scelera ac sup-
plicia eorum; odisse eorum creationem,
conceptionem, nativitatem, ætatem, vi-
tam: odisse omnem occasionem ad bo-
num, ad salutem, ad peccatum, ad ma-
lum, ad damnationem: odisse omnem
peccatorum suorum materiam, socium,
magistrum, complicem, imitatore.
Odisse omne peccandi tempus, horam,
diem, locum, modum voluntatem, sege-
tem, auxilia & fomenta. O odium ma-
lignum! ô virus detestabile! *Odio ha-
betis bonum, & diligitis malum. Mi-
chææ c. 3. 2.*

III. Octava denique occupatio infe-
licissimorum illorum est, desperare, de-
speratè agere, desperatè vivere, vocife-
rari,

rari, furere, rugire, rabire, ejulare, flere, dentibus stridere, concuti timore & tremore; eò quòd prorsus de salute sua, de ullo bono, & de malorum suorum fine desperent. *Desperata est plaga ejus.* Michææ c. 1. 9. Norunt enim infelices, æternitatis invincibili repagulo, obstructa esse omnia. Ecce hæ sunt occupationes eorum perpetuæ, quos tetra æternitatis abyssus absorbuerit: hi sunt labores, qui eos sine fine occupabunt ac defatigabunt. O occupationes execrabiles! ò labores damnabiles!

Parænesis.

Quisquis es, ò homo! expeude ista, corde tum fideli, tum attento; ac delige, quam tibi evenire velis æternitatem, ejusque occupationem. Tua res agitur: tua solius interest; nemo pro te; sed tu in persona tua, aut beatus, aut miser æternùm eris. Horrendum est ejusmodi odia ac maledictiones legere; sed magis horrendum in perpetuum ea audire, & maximè horrendum ea simul effutire. O Ecclesiastes! O conscientia

228 *Domus eternitatis. Consideratio*
tiae Arbitr! ô Pastor! si omnibus tuis la-
boribus & occupationibus, efficere va-
leres; ut vel una anima non odisset, non
malediceret ac blasphemaret Deum
suum in æternum: an non infinitas ma-
ledictiones & blasphemias impedires?
Et an non hæ, omnium hominum pec-
cata in hoc mundo, uti & laudes, nume-
rò longè superarent? O igitur labora,
Clama ne cesses, quasi tuba exalta vocem
tuam, & annuntia populo meo scelera eo-
rum. Isaia c. 58. 1. ut convertantur &
vivant nec cum reprobis, Deum male-
dicant in æternum.

CONSIDERATIO XXII.

Mors perpetua damnatae æternitatis.

Desiderabunt mori, & mors fugiet ab eis.
Apoc. c. 9. 6.

3. Septembris.

I. **P**Erpende, cur Damnatorum vita,
non vita, sed mors potiùs sit nun-
cupanda. Causam assignat S. Augusti-
nus L. 13. de Civ. c. 2. dicens: *In damna-*
tione novissima, quamvis homo sentire non
desi-